



Maneh awik pidigimik notc tijikeh apitc ana kisinanik, mihi apitc notc wabidimik eh ana manek awik ponehtok nesehtc tapishkotc Covid-19 ka ijisek, mamowi kodigin kijizowapineh akozowin.

Mishkikin ka pidikagowin keh widokagowin agwa kidja nojibidowi kijizowapineh akozowin mamowi covid-19, mihoi keh mawodja minosek agwa kitcha onah kidja kitcha akozowin koni agwa kidja ijawin akozi-migwamik.

Kinoweh notc kida minoseh ishpin nijin odapinimin yedi kidja pidikagowin mishkiki, covid-19 mamowi kijizowapineh pidikagowin mishkiki, kan dish mankacp pishik kiga dowamasin kimishkikinim, mishkikinikwe koni mishkiki adaweh-migwamik.

Kidja kinowenmidiziwinwewendaḥ mamowi kodigin awin, apitc wedi akozowin mosehmigik:

- ➔ Pinigotc nanagijiton kakina kimishkimkidja ki-minigowincovid-19 odja mamowi kijizowapineh mishkiki
- ➔ Piskin kegon wewenda kidja kibodonepiziwin apitc awesh pidigewin, ishpin dish nita okwe nojibidowin akozowin.
- ➔ Nanagijiton etsa kijigik agwa kidja akozowin yedi koni abin ki-migwam kak ishpin akozowin.
- ➔ Kizinjin pinigotc
- ➔ Kiban kidon osisidimin koni chachamowin.
- ➔ Kakasiyan kegon ka nita sasaminigadek
- ➔ Ojiton kidja mininamowin

Kinosh kimishkinim odja kodik mishkikin ka tigogan odja covid-19 (paxlovid koni Remdesivir) mamowi influenza akozowin ka ijinkadek (oseltamivir) ishpin wedi akozowin acitc ishpin notc okwe kodik akozowin ayamin. Kiyabitc winda kendimin, oma animitagozin 811 koni [ijan Ontario.ca/antivirals](http://Ontario.ca/antivirals)

COVID-19 mishkikin

Anowik panima eh odja ndowendimin COVID-19 mishkikin

Wedi mishkikin odapinimin kinoweh minoseh agwa kidja nojibidowin kitcha covid-19 akozowin acitc kidja nisiyebamin notc kozowin covid-19 inapinehwin (kinesh COVID ija kendagon).

Kodik oshkiyehi COVID-19 mishkiki kagi ojtcigadek odja XBB pigidinigadeh aji odj tcijik ka nigodowasi-kiseziyatc nash ka mididiyatc acitc kinoweh minoeh agwa kidja nojibidowin Omicron XBB kodigin.

Anpitc keh ayamibin COVID-19 mishkikin

Tcijik ka nigodowasi-kiseziyatc nash ka mididiyatc oda kishka odapinanawa covid-19 mishkikini apitc pejigon mamowi apitc kodik pidikagowin kimishkinim, ishkwa nigodwasi-kisezitc misowatc inendagon kidja odapinimin mamowi keh pidikagon koni aji covid-19 ki ayamin.

Adi keh ija ndowabidimin COVID-19 mishkiki

Kida kishka ojiton kida wamigowin mishkikini migwamik ka nigodwasi-kiseziyatc nash ka mididowatc odja;

- Keh odja nidikendimin gotc COVID-19 odja
- Ogimanodagini mishkiki migwamik 1-833-943-3900 (TTY agwa ka ozityehyac odja koni agwa ka nitowehyatc: 1866-797-0007), 300 minigik ijigijewin tigon, mani kijigik nash tcibato kijigik (kanwin odimtananiyok) nasj 8:30am nash 5:00pm eastern time ka ikidinanok
- Winwa nanda tibinoweh oga abijitonawa omiziniginiya
- Awik ka ija nita ndomajin omishkikinimin
- Ka ija ndowbidimin ki mishkimin (awik ka nijobonezitc nash ketehyoziitc odja)
- Ishpin anishnabek eta odja mishkikini-migwamik

Adi keh ija kendimin notc wedi odja covid mishkikin?

- Ontario.ca/covid
- Ogimanodagini-migwamik odja mishkikin 1-833-943-3900 kidja kinonitc awik (TTY: 1-866-797-0007)
- Yendik VaxFacts+Mishkikini-migwamik kidja kinonitc mishkini ka odisetc Scarborough Health Network ima www.shn.ca/vaxfacts
- Health811 kozabijigini kak koni animitagozin oma (TTY 1-866-797-0007 kan kegon inigidaksinon) odja winda kendimin kegon etsa 24/7 kijigik ka ijinkadek

Kijizowapineh mishkikin

Anek eh odja odapinimin panima pidikageh mishkikin

Tedigo ihi misowatc kida kitcha akozinan kijizowapineh akozowin ayamibin nash gotc kidja mijiminigowin akozi-migwamik, kinowek acitc notc ona odja kehtehyak mamowi abinojishik Kida odja acitc pikidesegon koni kidja wisigendimowin kidisnakeh kak. Nanda awik, oda odja nisigon. Mihi wedi kie odja widokagowin agwa kidja nojibidowin kijizowapineh akozowin

Anpitc ke minigowin wedi kidja pidikagowin mishkiki

Kida odapinan wedi keh pidikagowin mishkiki apitc gotc pigidinigadek, nijo-minshtagin minigik kidiyan agamshi dish kidja odimtamigik kimishkim. Apitc wedi aji kinesh ana ayamin tcakishkamigik mamowi dish influenza memeshkodjisek pishik, panima kiga odapinan wedi kidja pidikagowin etsa nigobok

Adi keh ija ndowabidimin wedi kijizowapineh mishkiki

- Mishkikini koni pijinik ka mishkikiniyotc
- Ka ija nita ijawin mishkikini-migwamik
- Ka ija ndowabidimin ki mishkimin(ka nijobonehziyatc nash ka mididiyatc odja)

Shomshik odja keh pidikowaginiyatc

Odja apitc 2023/2024, ishpin ishkwa 65 tisobonezowin, nisinon kodigin ka tigok odja kidja pidikagowin mishkikin:

- Ka nita pigidinigadegan pidikageh mishkikin kidja migadik newin ka ijinagok akozowin
- Adjuvanted mishkiki ka ijinkadek keh widokagowin odja newin pepkan kijizowapineh akozowin mamowi adjuvanted (kodik mamowi mishkiki ka atcigadek kidja ana minomadiziwin)
- Ka mishkwizimigik pidikageh mishkikin, keh odimtamigik odja papkan kijizowapineh akozowin, anish panima keh mishkwizimigik mishkiki

Kakina yedi nisin mishkikin misnoseh, widokazimigin acit kinoweh odja shomshik. Kinosh ki-mishkinim, ka noshtok mishkikini, ka ija kishpindowin kimishkim koni kishkikini-migwamik, adi yedi keh minosek notc kin odja.

Adi keh ija kendimin notc wedi odja kijozowapineh pidikageh mishkikin?

- Ontario.ca/flu
- Health811 kozabijigini kak koni animitagozin oma (TTY 1-866-797-0007 kan kegon inigidaksinon) odja winda kendimin kegon etsa 24/7 kijigik ka ijinkadek